

續修陝西省通志稿

第一百十九冊

卷二百二十一至二百二十二

續修陝西通志稿卷二百二十一

文徵二十一

詩五

陳

濤

字伯瀾三原縣人光緒乙丑舉人廣東候補知縣著有審安齋詩集十卷文稿四卷

乙未九月赴蜀初發三原逾臨涇渡

振衣出里門悽惻臨大路朝與漢堤辭振棹涇渠渡涼風側峭生  
厭浥行多露中年學不修虛名乃滋誤昂首愧聖賢低頭向親故  
骯髒七尺軀餓死等紈袴感激動肝脾泣向眞宰訴田家終歲勤  
刈穫盼秋暮汝鼠食何碩彼鶉餐亦素歷歷竹食艱鳳凰號空嘯  
伏櫪固不甘良工無詭遇飛鳥怯黃昏蒼茫投煙樹

青羊河得白石臨流洗之

陳濤

少小癖好石見即下堂拜偶經山嶺响呼朋駐馬待飄風三十春

頑性依然在下輿沿青羊灘石躡硤磔俯首如揀金泥滓淨淘汰  
岷山一片玉飛落瑤臺外岸然傲雪霜皎皎出塵埃籃輿苦不勝  
暴客頗睨怪往年西入蜀路轉褒斜界攜手弟同行一拳拾小大  
羅列娛親庭懽言得所愛靈椿蔭不長鵲鴿叫無奈此心轉白石  
長天雲靄靄

山行雜詩

時自追憶宿紅花鋪  
與任鉏夜行景况

陳濤

暝色下林角遊子心如箭舍輿履峻嶒超忽疲馬倦沈黑天地昏  
跬步不相見背風燃鐙燭俄驚棲鳥竄捫蘿刺長荆熊虎蹲當面  
頗怪久屏息觸之石苔舊

紫柏山謁留侯廟

陳濤

秦皇武詐六國滅長鯨噴沫湯沃雪燕丹壯士膏鋒鋌憤然一椎  
博浪鐵大搜十日揚淫威麤疏英雄膽幾裂當時豈無辟穀處國

仇未報安可說偶經圯上橋流水清且冽歷坎尙柔虛赴勢貫曲  
折攝衣再拜吾所師何用神仙託詭譎周末餘子徒紛紛學突腐  
儒真奇絕詩書一炬焚咸陽更從何處探丙穴孝惠六年龍門書  
溘然真與世訣別安得森森紫柏峯閒尋黃石訪巒嶠客中瞻拜  
廟堂深翹首三韓正杌隉擬從我侯乞陰符東向諸侯掉寸舌西  
風敗葉黃花寒四山嘯鳥殘石碣歸來細讀老蘇文魁梧奇偉嗤  
人傑

山行雜詠

陳濤

居人誅茅結小屋緣山架澗勢隉杌犁鏤耕田石嶺頭溝塍不具  
無條目牛羊歸來欹側走似與猿狖競捷足薯蕷共食錯野蔬短  
襠淩寒不掩膚鳴歌擊缶聲嗚嗚見人無語貌粗疏恐是寂寞老  
寒儒嗚呼老儒禮繁文縟語囁嚅安能導我游皇初

感秋八首

錄五

陳濤

適意吾何事中年百感侵秋風動寥濶大地轉蕭森平子山陽笛  
中郎爨下琴將秋對親故未覺滬江深

迢遞辭關樹飄飄類轉蓬三年江海月萬事馬牛風生計安巢燕  
歸心送塞鴻扁舟吳會夜樽酒與誰同

江近龜鼉橫天寒草木凋無人迴北斗有客泣南朝霜角秋聲咽  
風旗彩色飄大家歌舞裏誰聽海門潮

時流皆管葛世變有滄桑長歎劍鳴匣空言雖處囊怪魚掀海立  
獨鶴入雲翔甫也諸侯客題詩滿草堂

攬鏡朱顏改儒冠戴已疑江花兒女淚芳草美人姿懶廢稽中散  
清狂杜牧之揚州明月影側耳總哀絲

古月齋舊讀書處有懷張篤生李夢符兩學長陳濤

客散空堂燕子肥  
古槐疏冷掛斜暉  
江天載筆吟黃鶴  
臺省簪花對紫薇  
兩地參商人落落  
十年風雨夢依依  
青鐙總是兒時味  
惟覺樽前百感非

張鵬一

字扶萬富平縣人光緒丁酉舉人官山西長治縣知縣著有在山草堂詩存一卷河套圖志六卷魏略輯本二

卷十五

擬淵明飲酒六首

選四

寒月天邊至萬象入清虛  
悲歡無定在何事空欷歔  
脫巾漉穠酒且復娛歲除  
居德苟不勉望古徒躊躇

梧桐秋葉下衆草沒奇姿  
飛鳥翩翩逝回翔安所之  
昆侖三萬里考古多疑辭  
何如行吾素歲寒守舊枝

夜長不能寐攤書理故業  
饑鼠聲啾啾將出又乍怯  
惜哉田橫客利祿不可脅  
五百眞壯士遺骨委爰窠  
古今原須臾忍此電光雪

楚懷胡爲者空爲虎狼玃

東郭有處士吹竽干齊君逐隊旅進退曳裾侯王門人事忽代謝  
別白賢否分循名當務實矯修在殷勤不見堂阜囚一朝三沐熏  
君子道其常小人徒泯焚

羅辰山水畫幃歌

張鵬一

憶昔少小河汾游飽看霍絳羣山秋佳境未能留畫本恍如過眼  
雲煙稠十年書篋偶檢點一卷倖足消離憂山松數株雜花樹五  
柳千條搖空舟板橋流水非人世濃綠疊翠春山幽龍鍾負杖倚  
石鐙想見潭水城東樓樓中仙吏訟庭歇金題玉軸誇朋儔三年  
文讌樂未足流傳縑素心夷猶晝長春永臥遊足欲歸趙璧無筒  
郵薄臺水溫泉漱玉趙村原遠麥覆疇錦屏山色誰試寫李成不  
作華原休空窗展玩逸興發壯志競欲凌滄洲桃源花發境非遠

武陵勿作漁父差

題陳二濤遊蜀詩

張鵬一

戴笠江城獨獻歌元龍才氣近如何客星益部掄才渺人日草堂  
題句多路繞千盤規蜀棧水流三折渡巴波辛紅峽好青峯秀逕  
欲從君賦薜蘿

段

維

字綱伯岐山縣人光緒辛卯舉人癸卯進士官法部主  
事著有梅雪堂詩集二卷文集三卷事蹟具人物本傳

蒼帝祠

自注墓  
祠在南

橐籥默運兩儀奠記事結繩著爲經侯剛易武生聖德翼贊軒轅  
始象形沮誦同時立根柢璀璨精英自天啟鳥跡委蛇孳乳多禹  
鼎湯盤周公禮後世行楮兼草隸龜龍隼魚遵舊制連珠畫被臨  
摹工端莊之中雜流麗惟帝獨作萬古文墨豬筆虎體不分廟貌  
巍巍環翠柏曲水拂岸無塵氛我來肅拜仰鴻烈果邱詩碑讀殘

缺驚神能教天雨粟異域殊方心傾折百丈高塚城南郊報享俎  
豆酒與肴惠風扇和花如錦晴空雁字書雲均

和蘇敏齋學博

段維

地近吳山萬古雄才名籍甚早知公挑鐙此夜驚衰鬢對酒當年  
話曲衷燕塞春寒桃葉雨麋城秋送蓼花風大蘇詩句揮珠玉到  
底騷人興不窮

自注沂邑在漢稱陰麋縣

春日遊岫山名剎作

段維

尋幽恰值豔陽天境闢蓬萊似昔年樹色遙從峰外合鐘聲暗自  
洞中傳

東西相望勢連天龍鳳坪開不計年石徑盤空斜又直山腰人語  
隔溪傳

送別張紫樵同年

段維

蓋世才華美五車東瀛三島汎遊居習聞隈伯中興業肯上韓公

宰相書

援自注時尙攀  
惟君獨否

朋輩交歡多磊落儒臣清貴思空疏口碑載道棠重蔭

行自注選缺

故敢以良吏相期許勝似淩雲賦子虛

王文黻

字海峯涇陽縣人光緒丁酉  
舉人官甘肅平番縣知縣

偶成

昔者所讀書今觀已成訛儒者矜學識區區敢自多問己先有愧  
欺人更若何虛懷欽君子卑下侔江河

昔者所謂是今已覺其非人生貴漸進盈泰安足希羣壑深無底  
高山詎可幾若能參斯理何曾見毫微

友人遊幕湖北以詩見贈依韻和之

王文黻

思君幾度望歸舲每對良宵酒不醒馬首頻瞻官渡口鶯花預擬

古郵亭文場愧我輸連戰學術阿誰誦六經絕不炎涼堤上柳逢人依舊眼垂青

韓岳齡

字眉生涇陽縣人光緒乙酉拔貢

環球夢游

一事無成兩鬢絲青燈有味老方知閒來喜讀瀛寰志手倦拋書入夢時

李岳瑞

字孟符咸陽縣人光緒壬午舉人癸未進士官工部主事著有春冰室野乘及詩詞集事蹟具人物本傳

輓周君詩

先帝親收士如今剩幾人平時霄漢志暮齒水雲身劍珮今長夜琴樽冷舊春百年原逆旅存者倍傷神

淥水芙蓉沼黃圖細柳營椒書陪夜直車馬共春城此別眞千古同遊剩兩生祇應吳季重灑淚數交情

一剎滄桑淚幽憂到九泉艱難經國計忠愛卜居篇望切南陽氣  
神依北斗邊他時遼鶴返應喜中興年

華國文章手宜民政事才萬家春相輟千里輜車哀循吏輝新史  
遺榮賁夜臺諸郎盡能世陰德異時培

晚度固關

李岳瑞

萬折千盤一綫縈山行行盡又山行風驅沙草春無色冰戰河流  
夜有聲此日歸鴻棲廢堠當年鐵騎走連營書生謬作談兵想臥  
聽荒雞報五更

懷吳寄髯先生

李岳瑞

不見巴西吳季子秋風長憶武昌城天涯落拓懷將母病榻呻吟  
送遠行鴻雁經時稀北度妻孥旅食尙南征春明莫負看花早早

晚扶桑看洗兵

自注時遼  
事方棘

故壘

李岳瑞

陰陰故壘但棲鴉省識尋常百姓家幾日琴樽終座上一時賓從  
各天涯雲雕曉掠山頭月朱鳥昏啼却後花我亦西臺老臯羽更  
敲如意弔蟲沙

西來地擁嶠潼險東下營連灞澹橋如此江山付人手坐看羌渾  
恣天驕田豐忠計虛籌策陶侃軍聲竟寂寥豈果天亡非戰罪烏  
江一哭最魂消

天帝銜觴醉不醒賜秦鶉首太無名豎儒終敗乃公事孱帥難調  
諸將爭白帽連雲羅刹鬼錦衣清晝沐猴行百年信有伊川痛寧  
止興亡戰一杯

吳懷清

字蓮溪山陽縣人光緒庚寅進士官翰林院侍講學士著有詩集事蹟具人物本傳

鶴翅鐵歌贈晏海澄戶部

吾聞神駿一日致千里四蹏獵獵乘風起朝秣吳越夜幽燕駑駘  
十駕徒然爾翻羽挾翼舊傳名今之鐵駟逼真是飛龍種類形特  
奇潑墨滿身霜蹏趾腹背白文兩翼張鶴翅錫名良有以遠來西  
極抵榆關踏徧戰場摧壁壘騰驤鳴咤萬馬瘖角弓一鳴疾於矢  
多少宿將不敢騎展轉贈歸齊晏子吾友晏子人中驥久歷農曹  
名噪耳去歲倭氛事孔急邊帥需才薦國士被命即出佐戎行誓  
滅此虜髮欲指況得此馬與成功小醜幾可折鞭捶妖巢直搗賊  
垂危別將忽挫血流水天方授楚亂未厭鴻溝一畫事去矣悲嘶  
一騎遂歸來豈獨英雄歎拊髀吁嗟乎君之健步有若此東華咫尺  
無處駛但聞伏櫪一長鳴天地用才如有俟果使百年能不再  
見戎然後卻歸冀田空山甘老死

高增爵

字劭農米脂縣人光緒壬辰進士官四川  
成綿茂道著有北山草堂詩鈔四卷

中秋對月寄懷芝田菊塢俊臣西安

故園今夜月當頭老友相逢念我不百歲光陰如逝水三年離別

又經秋垂楊灞上縈新夢疏柳城南憶舊遊

自注芝老在  
京寓三教寺

夜半屋

梁光漸落誰家吹笛倚高樓

萬籟無聲光滿天相思欲託寄琴絃懷人雁塔三千里看月燕臺

十二年獨我漂流隨水梗諸君清潔在山泉舉杯酌酒遙相祝歲

歲團圓健似仙

胡葆生太史病後寄懷次韻酬答

高增爵

橋外南尋水竹居先生詞賦擬相如少年草檄文名重

自注襄幕府

壯

歲花磚日影徐病後朱顏微減損老來白髮未蕭疏

自注甲髮年逾  
尚未白

閒看越縵堂遺箸

半月讀畢  
蒨客日記

不覺春風到寓廬

草玄深閉子雲居世外繁華泡影如夢寐神交惟李杜

自注與壽瑗來余

訪次至文章聲價擬嚴徐新詩課日光陰貴自注病中老友談心

禮數疏金石疊牀書滿架世人誰及鄭公廬

喜晤射洪李雨生高增爵

十年消息阻燕雲萍水天涯忽憶君過眼流光人易老談心知己

酒微醺秦川戰骨蓬蒿掩蜀道軍書日夜聞辜負鵲聲同惆悵天

津橋上立斜曛

清溪環繞憶江村別後遭逢仔細論入世勞心雙鬢改當年老友

幾人存風塵沾海新詩卷襟袖杭州舊酒痕自注新從西恰有鱸魚

秋正美莫教明月笑空樽

宋聯奎字聚五一字菊鵠咸寧縣人光緒己丑舉人官雲南楚雄府知府著有城南草堂詩稿三卷

感遇

東海有仙禽翩然巢玉樹自憐皎皎身時作軒軒舞可以恣遨遊

奚爲入網罟衛公殊見憐藏之在園圃乘軒非不榮局促亦云苦  
生物有本心此意誰堪語飲啄蒼苔間焉得盡知汝

瞻彼南山阿幽蘭獨挺秀著花在巖谷不與羣芳鬪老松願作鄰  
高士常相就飄然此國馨豈漫供人饌譬如待價玉韞櫝非求售  
順時且樂天奚爲慕文繡感此勵素志出處勿輕驟山麓試結茅  
君子居何陋

緘口

宋聯奎

致疾從口入招尤從口出入口藥可攻出口駟無及所以犧經言  
辭寡人稱吉我生肝腸熱芒角森如疾高論薄古今交情誓天日  
有時苦口爭睥睨弗爲屈不吐鯁在喉夢中猶轉側十年飽憂患  
處禪直一蝨時會相拘攣主稜全毀匿止與數老友脫畧開胸臆  
酒酣諧謔新齒銳針鋒逼結契雖忘形隙末防荆棘一朝或反唇